

甲辰十日一旬凶神姓恒名堅子

甲寅十日一旬凶神姓蘇名逢

右六甲神逆惡主煞神君

人生於世无百年之生朝不保暮死多生少  
逆煞之鬼流布人間詐作百病五逆疾煞寒  
熱頭痛或腹内結堅吐逆短炁五内脹滿目  
視顛倒口噎手足齟縮不自知慮命在日夕  
凶鬼來守天下男女汝曹自可按吾圖書視  
鬼等名施吾太玄之下符上三天生炁三五  
七九之生以與天民天民死而更生自見天  
下男女從太始以來鬼黠不信吾真故隱秘  
斯經而死者不可勝數念之傷悼令重下律  
令天下鬼神姓名衣服綠色長短知律至正  
一之炁子可隨日名萬鬼不敢干子自不知  
言吾无神上怨大道下欲於人子反自中傷  
可慎三五之年子自當見天下不信真炁者  
及笑還與鬼私通念子自當分別今日何可  
得生子自三思勿違犯慎之  
律曰天道以鬼助神施炁人畏鬼不畏神詭  
託名於彼自號其位人聞鬼存无神百其語

言故制陰陽清身和心无有邪淫可以制鬼

御天下三萬六千餘神皆為子使令子身不

正反受其殃念子昌乎

北斗主煞南斗注生煞是天網生是三台自

如人身上應天地法之日月道在不速三五

來反超然其可貴也

天下散民中有孝順忠信者可書六十日鬼

名著烏囊貯之常以正月一日日中時以身

詣師家受之係著左右臂以此行來鬼不敢

干天下太平送還本治夜行恐逢惡可服其

鬼名鬼不敢當人不知鬼神自治空身受災

不違義方通三六之年子自滅亡

女青鬼律卷之一

女青鬼律卷之二

太清玄元上三天太上律勅天地水三官主

者皇天初生唯神為尊今世憤憤邪亂紛紛

不見真神唯鬼亂人今當紀別鬼名定立三

五神以治鬼重下第二卷山海鬼姓名服之

三年萬鬼不敢當行來出入制御邪魅道曰

千年之木成人百歲之石為儻女百獸之形

皆有鬼形子知其名鬼復真形勿傳

山精之鬼長一尺名濯肉

木精之鬼名群天鳥老切

石精之鬼名理肉子理於中切

虎精之鬼名健莊子

蛇精之鬼名例石圭例音

狗精之鬼名大晶子何鳥切

猴精之鬼名馬廁子例毫切

狐精之鬼名達午代音

狸樹之鬼名連不智勿切

五跨之鬼名截道子滂音

大山之鬼名弓强

小山之鬼名和那

大樹之鬼名方域

小木之鬼名轉其

山室之鬼名啓削

石室之鬼名水連盛口

土瑤之鬼名客史盛切

埽石之鬼名月遡盛切

樽木之鬼名汝遠樽切

木榴之鬼名鳴啜木切

百蟲之鬼名遐送美說

空流之鬼名活朔美說

江遠之鬼名逆鱗子美說

漢明之鬼名咸覽

昌利之鬼名堪坊堪切

山都之鬼名天王

蓋山之鬼名柱佳古切

五色之鬼名後嚮

太玄之鬼名居集

男淫之鬼名戴文

女淫之鬼名截交

青炁溫鬼名高遠

九

白炁溫鬼名伯桑

赤炁溫鬼名士玄

黃炁溫鬼名君太

黑炁溫鬼名文遐

屋室之鬼名搖子

食器之鬼名後服

圓廁之鬼名項天

井鬼名瓊

竈鬼名干遠

床鬼名赫子一扶

傘蓋鬼名晏

麾幢鬼名託

鼓音鬼名亂

笙簧鬼名譏

坵坑鬼名父雉一名羅元

圩苔鬼名赫子一名入傲圩音區

戟甲之鬼名耳禽甲音

刀鬼名劔子夫

甲鎧之鬼名子賢

元子車鬼名如賢子又馬車

千歲白骨鬼名遠世

百歲白骨鬼名音世

五十年鬼名璵琴璵音

天獄鬼名瑾生子

天鞭鬼名客夫元

地青土公鬼名元

地赤土公鬼名赤赫元

地黃土公鬼名尅元

地白土公鬼名述本

地黑土公鬼名士民

河伯鬼名達

九江鬼名活

三河鬼名建

四瀆鬼名候

大馬鬼名賜

車鬼名慟

朴棗之鬼名天賜一名兵車

鐵精之鬼名醫願

金精之鬼名夷衝

銅器鬼名揚煞

五嶽之鬼名耳擒一名山夫

遠亂之鬼名趣一名數發

柱木之鬼名文羅一名元羅

五斧之鬼名兀生

長男之鬼名駟一名子石

衣服之鬼名是蔭苦類切

五綵之鬼名提敬

五味之鬼名元蘇例中切

律曰天下一生之中自有千億之鬼去神更

遠去鬼而近天下凶凶不可得知此遭凶過

死者千萬有人而鬼不已今記其真名使人

知之一知鬼名邪不敢前三呼其鬼名鬼炁

即絕天鬼來下地鬼并然凡鬼皆有姓名子

知三台鬼名萬鬼使令

律曰人身有疾病厄急可令主者施符呼名

鬼然名用制鬼法人家有災疾不止可於中

庭北向以符著日辰上使左手揲天關右手

揲火行三呪言天一女青煞鬼萬千太一九

炁收邪神鬼死神至道求无極叱叱使右迴

轉向天門閉炁二十四通通息還向地戶三

呪言太一使我煞萬鬼去神至急急如此

三通百魁立到前後諸神扶送天綱催切諸

鬼相考无有漏脫可以治身勿妄以示俗人

太和之鬼无身有頭頭長三尺目大三寸耳

廣七寸眉廣五寸口廣三寸鼻大二寸鬚長

三尺髮長一丈呼吸天炁吐之成雲子行見

者其名子碑三呼之形自見終鬼從者皆自

伏子行勿以金錢著身其有光炁鬼逆見之

避人有錢在身不可鬼知子解藏之若水行

見者呼河紛其亦作水鬼易形為鳥形明如

鳥大子然之勿告人三年人行來出入山海

永无所畏大吉

女青鬼律卷之二

女青鬼律卷之三四同卷 力八

道律禁忌天師曰視天下男女日用不忠行

善不報災害日興天考鬼賊五毒流行皆生

於不信不念守一行善身招其禍念子不得

久世長生吾受太上教勅嚴切令以示天民

令知禁忌不犯鬼神靈書女青玄都鬼律令

使汝曹皆悉知聞逆者還順惡者還善改往

修來當依鬼律令

一者不得自東自西自南自北出入去來去

无所關還无所白任意從心皆負律令除算

三十二

二者不得呼天无神言道師旨敗刑亂政自

言已是道人言非皆負鬼律天奪算一十三

三者不得持真入偽姦亂聖明飲酒食肉呼

嗟无道奪算千三百

四者不得傳宣惡語道說他人妄作一法不

信天道虛言无實天奪算千二百

五者不得傳虛兩舌妄語喜怒无常專行逆

煞不慎陰陽天奪算百三十二

六者不得輕慢老人罵詈親戚夫妻呪詛自